

KOMMUNIKAMMA 6 OKTOBER 2024



Ons besoek op versoek. Kontak asb. met groot vrymoedigheid met ons indien jy enige versoeke of vrae het.

Nekie Oosthuizen in die kerkkantoor: 082 561 8747; 041 360 1484; kerkkantoor@ngkruggakamma.co.za
Ds MG van Rooyen: 083 413 7100; mg@ngkruggakamma.co.za
Ds Toit Wessels: 084 240 2916; toit@ngkruggakamma.co.za
Jou blokouderling of -diaken

WHATSAPP GEMEENTE KOMMUNIKASIE

Indien jy die gemeente kommunikasie via Whatsapp wil ontvang moet jy die volgende stappe volg:

Stoor die gemeente selfoon nommer (071 493 5998) as 'n kontak op jou foon.

Stuur 'n Whatsapp boodskap met jou naam en van na hierdie nommer.

Jy word op 'n "Broadcast" lys geplaas en is nie deel van 'n Whatsapp groep, waarop almal kommentaar lewer, nie.

PROGRAM VIR DIE WEEK:

Sondag 6 Oktober

08:30 EIETDSE DIENS

Skriflesing: Genesis 2:4-24

Tema: 'n Mens is net 'n mens deur verhoudings.

GEEN KATEGESE, KLEUTERKERK OF LEEF@KERK AGV DIE FAMILIEKAMP

10:00 KLASSIEKE DIENS

Ons wens Lara en Jaco Pretorius geluk met die doop van Alina.

Die bedieningsdankoffer in die houtkassies gaan vandag vir die Sinodale Dankoffer – Diens van Barmhartigheid

Die Sinodale Kollekte vir Diens van Barmhartigheid word gebruik om projekte te befonds wat ringe aanpak.

Vanjaar word onder andere die volgende gedoen: Verswakte bejaardes word tuis versorg en vervoer om inkopies te doen of by die dokter te kom; Leerders met spesiale onderrigbehoefte word bygestaan; Bystand aan behoeftige pasiënte in hospitale; Voor- en na-geboorte begeleiding van swanger, jeugdige moeders en Voedingsprojekte.

Maandag 7 Oktober

KERKKANTOOR

Die kerkkantoor is elke Maandag en Woensdag van 08:00 tot 12:00 oop. **Neem asb. kennis dat die kerkkantoor weksdae van 08:00-13:00 via die kerkkantoor telefoonnommer (041-360 1484) beskikbaar is.**

09:30 DIENS BY KRAGGAKAMMA UITSPANNING

12:45 GEBEDSKILD

Gemeente gebedsgeleentheid in gebedslokaal. Almal is welkom.

Dinsdag 8 Oktober

10:00 DIENS BY STELLA LONDT

Woensdag 9 Oktober

PE NOORD EN ALGOA GEMEENSKAPSKERK – VOEDSELHULP-PROJEK

Die nood by en behoefte aan kospakkies by die PE Noord gemeenskap bly baie hoog. Dankie vir elke bydrae. Algoa Gemeenskapskerk het 'n behoefte aan bruikbare kantoorstoele of selfs onderstelle van stoele. Hulle benodig ook 'n enkelbed. Kontak Willie Swanepoel (082 920 0261) of Piet Spies (084 491 1213) indien jy kan help.

10:00 DIENS BY CP BRADFIELD

18:00 SELLEIERS VERGADERING

Vrydag 11 Oktober

05:00 MANNEGROEP by Carnationlaan 15

Indien jy wil deel word van die groep, kontak Frans Stapelberg vir meer besonderhede by selnommer 082 773 6205

Sondag 13 Oktober

08:30 EIETDSE DIENS EN KLEUTERKERK

09:45 KATEGES

10:00 KLASSIEKE DIENS

18:00 LEEF@KERK

Tussen die twee eredienste (09:30) gaan ons almal buite die kerkgebou bymekaarkom om 'n Voorbladfoto vir 2025 se jaarprogram te neem.

Sondag 20 Oktober

Ons is baie opgewonde oor Lindie Strydom wat op hierdie Sondag 'n getuigenis gaan lewer tydens die eietydse (08:30) en klassieke (10:00) diens. Jy gaan nie hierdie spesiale geleentheid wil misloop nie.

GEBEDSAKE:

- Laaste kwartaal wat voorlê.
- Rooikop Kotze wat tuis aansterk.
- Buddy van der Merwe wat sukkel met sy gesondheid .
- 'n Einde aan die oorloë in Oekraïne, Midde-Ooste en ander plekke, asook vir die gelowige broers en susters in daardie lande. Die sluit van vrede.

NUWE LIDMATE

Ons wil graag ons nuwe lidmate ontmoet. Daar is in die voorportaal 'n groen kontakkaart wat julle kan voltooi, waarna ons met julle in verbinding sal tree. Jul kan ook na ons webblad, www.ngkraggakamma.co.za gaan. Druk op "Kontak ons" reg onder die gemeente logo. Vul die "Nuwe intrekkers" vorm in en e-pos dit na die kerkkantoor.

"BEDIENAARS": 'n NUWE MOONTLIKHEID VIR BEDIENING

Is jy passievol oor bediening in jou gemeente, wil jy jou roeping laat groei, of in jou geloof belê? Hugenote Kollege is opgewonde om die bekendstelling van 'n aanlyn teologiese opleidingsprogram aan te kondig. Hierdie program is daarop gemik om gelowiges toe te rus met die vaardighede om Bedienaars te word. Die program maak dit vir gelowiges moontlik om hul roeping te verdiep deur gehalte opleiding. Die program is ook ontwerp vir gelowiges wat gewoon net hul eie dissipelskap wil verdiep deur nuwe vaardighede aan te leer.

Areas van formasie sluit in:

- Verkondiging van die Woord
- Missionale Leierskap
- Jeug en Familie
- Gemeenskapsdiakonaat
- Pastorale Sorg

Of jy reeds by 'n bediening betrokke is of voel dat jy geroep is om jou geloof te verdiep, bied hierdie program 'n omvattende teologiese opleiding met praktiese toepassings wat jou voorberei om met vertroue te dien. Sluit op 17 Oktober 2024 van 18:00–20:00 by ons aan vir 'n aanlyn Zoom inligtingsessie om meer hieroor te leer. Vir navrae oor die geleentheid en om 'n skakel te ontvang, kontak ds. Jaco Botha by stb4@hugenote.ac.za.

GOD'S KAROO WOMEN KONFERENSIE 2024

Die God's Karoo Women Konferensie vind 1 – 3 November 2024 by die Mentors Country Estate in Jeffreysbaai plaas. Aangesien dit die 10de herdenking van God's Karoo Women is, is die registrasiefooi hierdie jaar slegs R200 per persoon. Die sprekers is Susan Coetzer (Aktrise en skrywer), Mel de Villiers (Pastoor) en Danie Botha (Sanger). Besoek www.godskaroowomen.co.za vir registrasie of kontak 071 398 6397 of Felicity Murray (073 240 9043) indien jy enige navrae het.

VERJAARSDAE VIR DIE WEEK

Ons wens die volgende lidmate geluk met hulle verjaarsdae:

6 Oktober	Phillip de Vos, Lily le Roux, Stéfán Muller, Claudette Scheepers, Johan Smit, Jané Steyn, Gaynor Swanepoel, Amoré van Onselen en Willem van den Berg
7 Oktober	Yvonne Nell
8 Oktober	Rochelle Barnard, Heinrich Botha, Erna Coetzee, Theuns Conradie en Luca Strydom
9 Oktober	Judie Boshoff, Samantha Fouché, Liesl Hanekom, Erica Keyser, Elizabeth Scheepers, Mariana Strydom, Rhenoldu van Niekerk en Vina Visagie
10 Oktober	Clara Pretorius, Adele Spinks, Jakkie Strydom, Pieter van Loggerenberg en Francois Vosloo
11 Oktober	Celia Coetzer en Layla Smith
12 Oktober	Rudolf Cronje, Liezl Landman, Theresa Ludwig en Annelie van Rooyen

TIENDEMAAND DANKOFFER

Op sy reis na Jerusalem toe het Jesus al met die grens tussen Samaria en Galilea langs gegaan. Net toe Hy 'n sekere dorpie wou binnegaan, kom tien melaatse mans Hom tegemoet, maar hulle bly op 'n afstand staan en roep hard: "Jesus, Here, ontferm U oor ons!" Toe Hy hulle sien, sê Hy: "Gaan wys julle vir die priesters."

Op pad daarheen het hulle gesond geword. En een van hulle het, toe hy sien dat hy genees is, omgedraai en God hardop geprys. Hy het voor die voete van Jesus neergeval en Hom gedank. Hierdie man was 'n Samaritaan. Toe sê Jesus: "Was daar nie tien wat gesond gemaak is nie? Waar is die ander nege dan? Is daar niemand anders wat omgedraai het om God die eer te gee behalwe hierdie man wat nie eers 'n Jood is nie?"

En vir hom sê Hy: "Staan op en gaan huis toe. Jou geloof het jou gered." (Lukas 17:11-19)

Jou tiendemaand dankoffer is nog 'n geleentheid om om te draai en die Here te prys, te dank en te eer. Wanneer jy dit doen, erken jy dag vir dag sy Godheid, grootheid en goedheid. Hou daarmee vol. Dank Hom altyd vir alles wat jy onverdiend uit sy Vaderhand ontvang.

En gee met die regte gesindheid. In 2 Korintiërs 9:7 skryf Paulus hieroor: "Elkeen moet gee soos hy hom in sy hart voorgeneem het, nie met teensin of uit dwang nie, want God het die blymoedige gewer lief."

Kinders van die Here gee uit dankbaarheid en met blymoedigheid.

Hoe werk die tiendemaand insameling?

1. Jy kan in die voorportaal van die kerkgebou of die kerkkantoor 'n tiendemaand dankofferkoefert kry wat jy enige tyd kan inbetaal, in die dankoffersakkie kan gooi of by die kerkkantoor kan inhandig. Sondag 27 Oktober 2024 is ons amptelike 10de maand dankoffer Sondag.
2. Jy kan ook 'n elektroniese inbetaling in die rekening van die gemeente doen: NG Kerk Kraggakamma, Absa Bank rek nr.1400590091, Tjek Rek, Tak 511 917. Jy moet dit asb. duidelik merk as tiendemaand bydrae.

Ons begroot hierdie jaar vir R300 000 vir die Tiendemaand dankoffer.

DANKOFFER

Baie dankie vir elkeen se dankbaarheidsbydrae wat ons maandeliks ontvang. Dankoffers kan direk in die kerk se bankrekening of deur middel van Snapscan betaal word.

Die kerk se bankbesonderhede is:

NG Kraggakamma
Absa Tjekrek 1400590091
Takkode 632005

